

Hierzu zu machen lassen pflege / so müßtestu einen auß einem guten
 Compas heraus nehmen. Diesen Magneten nun lege sorderst
 auff gemeltes Spiklein / vnd damit er desto sicherer vor den Win-
 den / so kanstu auff den fall ein Glas darüber stärken. Vnd ist son-
 sten zu wissen / dz man ferners keines Sonnenscheins mehr bedürff-
 tig / aber in allewege wol zuzusehen / daß kein Eysenwerck hierbey
 sey. Nach auffgelegtem Magneten / so habé acht / wann derselbige
 nach vielfaltiger bewegung sich gestillet / Darnach so thue das auff-
 gestürzte Glas auff den fall widerumb hinweg / vnd stech mit einem
 Messingen spiklein / gerad vnd so strack als immer möglich / vnter
 das End des nunmehr stillstehende vnd ruhenden Magneten ein
 Puncten auff's gesagte Bretlein. Vnd magstu jeko / so bald nemlich
 diß Punctlein der gebühr gestochen / das ganze Werck auffheben /
 vnd dasselbige für dich etwan auff einen Tisch legen / da dann viel-
 leicht besser damit zu handelen vnd umbzugehen. Thue ferners nach
 besagtem / vnter des Magneten spikleins gestochenen Puncten / den
 Magneten widerumb beyseide: Ziehe auß dem newem Puncten a
 durch das Punctlein / so vnter das End des Magneten spikleins ge-
 stochen / mit hüßf eines richtigen Linials ein schnurstracke Lini / vber-
 oder durch die gradus hinauß / so lang als dir geliebet / vnd sihestu
 nun / daß diese beyde / nemlich die Mittag- vnd dann die jeko durch
 beyde Puncten gezogenen Linien vereinigten Linten seyn. Zehle dem-
 nach von c zu b die gradus, oder aber erforsche vnd suche deren Weis-
 te von einander auff weiß vn Manier / wie im 7. Cap. im versic. zu er-
 forschen / c. von der Lini h oder s vnd n gelehret worden / wie viel gra-
 dus vnd Minuten du dann also nach gethaner handlung findest / so
 viel gradus vnd Minuten weichet / oder schlegt der Magnet von
 Mittag gegen Auf- oder Niedergang ab. Vnd habe ich dieses Orts /
 zu Franckfurt / dessen abschlag von Mittag gegen Nider- oder
 von Mittnacht gegen Aufgang befunden 8. gradus vnd 30. Mi-
 nuten. Zu mehrer nachrichtung / hastu dich auch allhier auß vorge-
 setzer Figur ferners zu erschen.

F iij

Das